

八旗通志卷之一百六十五



名臣列傳

卷二十五

正黃旗滿世職大臣一

八旗通志初集卷之一百六十五

名臣列傳二十五

正藍旗滿洲世職大臣一

達諸護 子翁阿岱

達爾漢額耐

鄂羅塞臣 子勒貝

族子查布丹

阿山

阿爾津族孫艾圖

布當曾孫官保

色稜

席特庫

宜拜子圖爾錫 穆實

圖爾特

庫爾闡從孫善都



蘇魯邁巴圖魯

子洛

蘇爾濟

弟蘇法

鄂羅舜

翁俄

圖法子胡什布

鄂莫克圖巴圖魯

子春克

從兄折爾特

雅秦弟喇門

伯父丹布

丹布孫塞勒

達諸護滿洲正藍旗人初從

太祖高皇帝征討四方屢立軍功授遊擊世職又從征

什林葉赫烏喇諸部斬獲無算超加世職為三

等副將天聰五年

太宗文皇帝命同宗弟王善及車爾格等率兵一千五

百人征東海瓦爾喀部大獲以歸

太宗自瀋陽出城畋獵因以迎之達諸護等

朝謁以獵獲百餘獸及酒二百甕饗從征將士尋

擢置十六大臣之列後為俘獲人所害順治十

二年追謚襄敏

世祖章皇帝面諭英古爾岱猶稱達諸護之忠云。子翁阿岱初襲父三等梅勒章京世職。天聰九年從霸奇蘭薩木什喀往征黑龍江有功。加世職爲二等。崇德六年隨大兵圍錦州擊敗敵人山上步兵及山下馬兵至松山同鰲拜巴圖魯殺入敵陣被傷身歿。

賜銀一千兩。加世職爲一等梅勒章京。以弟之子濟木布承襲。

達爾漢額駙滿洲正藍旗人。姓郭爾羅氏。其父楊舒同伊兄常舒自沾河地方率領宗族來歸。

太祖高皇帝以長公主妻焉。隨

太祖征討四方俱有功。及其卒也。

太祖親臨其喪。奠酒哭之。達爾漢即其子也。生而英特。

太祖復俾尚公主。封爲和碩額駙。兼管牛录。額真事從

征界凡等處。積戰功。授副將。世職。天命十一年

初設八大臣。贊理國政。擢達爾漢爲鑲黃旗固

山額真。領兵征扎魯特。單騎追一台吉擒之。奉

命征董夔。破其衆。擒古穆楚赫爾父子。併杜喀爾代青。多爾濟三塔布囊父子。盡行擒獲。論功加授三等總兵官。世職。尋緣事降。爲一等副將。天聰元年。從征朝鮮。三年。征明。至北京。五年。征大凌河。俱有功。九年。大兵征明。

太宗文皇帝以出征。諸貝勒已入明境。恐寧遠錦州合兵救援。因

命達爾漢額駙同貝勒多鐸率每牛象擺牙喇二名入明境立營。以分其勢。路遇敵兵八百。逆擊敗之。

崇德元年

特命同武英郡王阿濟格等率兵征明。

太宗親送至演武場遣之。九月。率本固山兵攻克順義縣。凱旋復授三等昂拜章京。世職。

鄂羅塞臣。達爾漢額駙子也。天聰元年。從父達爾漢額駙征明。攻大凌河。崇德元年。從征朝鮮。五年。從征明錦州。並有戰功。六年。復從。

太宗文皇帝圍錦州。遇城中九人持弓矢出城。樵採盡殺之。及松山兵兩次來犯。連敗其衆。又率擺牙。

喇兵敗明經畧洪承疇三營步卒論功授二等
甲喇章京世職擢任梅勒章京順治元年同巴
篤里等征黑龍江等處有功凱旋

世祖章皇帝遣明安達禮等迎宴之二年隨定國大將
軍豫親王多鐸南征追流寇至潼關賊堅壁截
路鄂羅塞臣等首先衝入擊敗之殺賊無算加
世職爲二等阿思哈尼哈番六年陞正藍旗蒙
古固山額真尋調刑部侍郎七年九年三遇
恩詔加世職至二等精奇尼哈番陞都察院承政率兵

駐防貴州康熙三年以病卒於任

特恩加太子太保

賜祭葬如典禮謚果敏次子勒貝累任至都統康熙十
五年統兵由廣西進征逆藩吳三桂十七年五
月同撫蠻滅寇將軍傅弘烈破偽總兵饒一龍
等恢復鬱林州及北流陸川博白等縣十八年
八月鎮南將軍莽依圖卒于軍以勒貝爲鎮南
將軍領其衆二十年二月同征南大將軍賴塔
由西隆州進兵破偽將軍何繼祖詹仰等奪石

門坎險隘。恢復安籠所。三月復敗之於黃草壩。擒唐仰。乘勝長驅。直抵雲南。會同貴州四川兩路大兵。平定雲南。第三子鄂忒渾。初襲父二等精奇尼哈番世職。亦累官至都統。鄂忒渾子鄂善。初襲父二等精奇尼哈番世職。累官至前鋒統領。又查布丹者。鄂羅塞臣族子也。初任護軍叅領。順治十七年。隨定西將軍愛星阿。由雲南進緬甸。獲偽桂王有功。凱旋至江西。與賊遇於新口。力戰陣亡。卹贈拖沙喇哈番。以其孫朱爾薩

襲

阿山。滿洲正藍旗人。姓民覺羅氏。天命六年。從太祖高皇帝克遼東有功。授遊擊世職。又以擒獲希代之妻及其部屬功。超加三等副將。十一年十月。隨大貝勒代善等。往征蒙古喀爾喀扎魯特部落。阿山同冷格里率兵六百入喀爾喀巴林地。方驅逐哨卒。縱火燎原。以張聲勢。師旋以二人俘獲功多。

朝見時許行。抱見禮。天聰元年。又同冷格里攻朝

鮮義州克之三年。同揚古利額駙等率馬步兵往雅爾湖地方躡緝逃人。遇毛文龍採參者。擒獲甚衆。四年隨

太宗文皇帝征明。圍永平。冒火登城。克之。翌日。

太宗燕坐。謂群臣曰。昨攻取永平城。副將阿山。葉臣。與猛士二十四人。冒火奮力登城。乃我國第一等驍勇人也。因加授三等總兵官。世職。五年五月。從征察哈爾。大兵至果。果索泰河奉

命。同土魯什勞薩。吳拜率精兵二百為前哨。有蒙古五

人私逃。捕斬之。尋以察哈爾遠遁。定議。征明。七月。至大凌河。掘壕困之。八月。阿山奉

命。同勞薩。土魯什等率精兵二百往錦州松山一路。哨探。庚戌。獲十一人來獻。次日。又擒獲七人。并牛驢等物。丁巳。明兵二千自松山來犯。阿山同勞薩。土魯什率三百人擊敗之。斬百餘人。獲三纛。以獻。辛未。

太宗召阿山等。親以金卮酌酒飲之。旋擢固山額真。八年。

特命阿山率每旗擺牙喇章京一員。每牛系擺牙喇一名。往收察哈爾國潰散蒙古師旋。又

命率兵往畧錦州。九年。隨貝勒多鐸證明廣寧。擊明總兵祖大壽。兵大壽奔潰。阿山等率兵四百突入。掩殺兩路。追擊明副將劉應選。盡殲其兵五百名。生擒遊擊守備等官。獲馬匹器械無算。崇德元年。從武英郡王阿濟格。征明。遇山海關。千總一員。率兵二百前來哨探。阿山盡殺之。獲馬八十匹。二年。從征皮島。率左翼船先登。有功。加世

職至一等昂邦章京。六年。隨睿王多爾袞。證明圍錦州。阿山獨斬敵八人。俘獲男女幼小甚衆。

順治元年四月。從定國大將軍豫親王多鐸。南征阿山。同固山額真馬喇希等。奪泗北淮河橋。我兵遂渡淮。攻克揚州城。擒偽閣部史可法。斬之。我兵前進至南京。偽福王潛遁太平。阿山同公圖賴等。追至蕪湖。偽總兵田雄馬得功。縛福王來降。豫親王令貝勒博洛及阿山等。直趨杭州。招撫浙省。賊兩路迎擊我兵。大敗之。浙江悉

畧。抗

打江圖

公圖賴等。追至蕪湖。偽總兵田雄馬得功。縛福

特命阿山率每旗擺牙喇章京一員。每牛系擺牙喇一名。往收察哈爾國潰散蒙古師旋。又

命率兵往畧錦州。九年。隨貝勒多鐸。證明廣寧。擊明總兵祖大壽。兵大壽奔潰。阿山等率兵四百突入。掩殺兩路。追擊明副將劉應選。盡殲其兵五百名。生擒遊擊守備等官。獲馬匹器械無算。崇德元年。從武英郡王阿濟格。證明遇山海關。千總一員。率兵二百前來哨探。阿山盡殺之。獲馬八十匹。二年。從征皮島。率左翼船先登。有功。加世

職至一等昂邦章京。六年。隨睿王多爾袞。證明圍錦州。阿山獨斬敵八人。俘獲男女幼小甚衆。順治元年四月。從定國大將軍豫親王多鐸。南征阿山。同固山額真馬喇希等。奪泗北淮河橋。我兵遂渡淮。攻克楊州城。擒偽閣部史可法。斬之。我兵前進至南京。偽福王潛遁太平。阿山同公圖賴等。追至蕪湖。偽總兵田雄馬得功。縛福王來降。豫親王令貝勒博洛及阿山等。直趨杭州。招撫浙省賊。兩路迎擊我兵。大敗之。浙江悉

平凱旋

賜金五十兩銀三千兩鞍馬一匹是年追叙舊臣勲績授阿山世爵爲三等公三年卒子色赫降襲一等昂邦章京

阿爾津三等公阿山叔父之子也自幼從軍所至有功授世職至二等甲喇章京天聰九年招撫額哲額駙之後岳託貝勒令阿爾津追喀爾喀逃人全執以歸并獲人畜皮張甚衆加授一等甲喇章京世職崇德元年從大兵征朝鮮往畧皮島堵截敵兵來路遇明副將一人率兵五百來援擊敗之師旋陞燾章京八年

太宗文皇帝命同燾章京哈寧阿等徃征虎爾哈部八月班師收服男子一千六十九名婦女幼小一千四百九十九口并馬匹器械無算因

賜阿爾津人三口及銀兩等物順治元年隨定國大將軍豫親王多鐸南征追流寇李自成至潼關距關二十里立營賊將劉方亮率兵千餘前來窺探阿爾津等率正黃正紅鑲白鑲紅鑲藍五旗

擺牙喇擊敗之。明年叙功加授三等梅勒章京世職。五年加至一等。七年九年三遇。

恩詔加至一等精奇尼哈番。又一拖沙喇哈番。世襲罔替。九月。

特命為定南將軍。同固山額真馬喇希征廣東未定州縣。十月調為安西將軍鎮守漢中。十二月復。

命為定南將軍。征湖廣辰常逆賊旋陞固山額真十二年八月。以偽桂王渠帥孫可望李定國勢甚猖獗。九年敬謹親王尼堪戰歿。至是。

特命阿爾津為寧南靖寇大將軍。同固山額真卓羅等駐防荊州。阿爾津親統官兵大破賊渠姚黃等。於彝陵招撫偽官五十二員。兵民一萬餘名。後又招撫土兵二萬。及永順土司總兵彭洪澍等。下三州三百八十洞。俱蒙。

恩嘉獎。十五年。

命信郡王多尼為安遠靖寇大將軍。進取雲南阿爾津隨征。以病卒於軍。

特贈太子太保。謚端果。立碑墓道。以旌其忠焉。族孫艾。

圖亦以軍功得授拖沙喇哈番。

布當滿洲正藍旗人。初係吳魯特貝子率屬來歸授二等叅將世職。天聰三年隨大兵征明攻遵化城。同英俄爾岱奮勇破敵。論功加世職至三等副將。八年卒。子袞濟襲職。袞濟孫官保。以七品官從征陣亡。卹贈拖沙喇哈番。以其子張保襲。

色稜。布當弟。父思克磊。初係吳魯特貝子率屬來歸。授遊擊世職。卒。色稜襲職。天聰三年隨大

兵征明。同梅勒章京宜爾孫。敗明太監高起潛兵。崇德六年從征錦州。復有功。順治元年隨睿王多爾袞入山海關。擊流寇破之。二年隨定國大將軍豫親王多鐸南征。追流寇至潼關。同固山額真恩格圖。殿後擊敗賊。追騎。三年復隨豫親王多鐸追騰吉思。敗土謝圖汗及碩羅汗兵。論功加世職。爲二等阿達哈哈番。七年九年三遇。

恩詔加至一等阿思哈尼哈番。十二年卒。子扎穆陽承。

襲見謚法名臣傳

席特庫滿洲正藍旗人自幼即從征伐天命十年以克副委任無違指使授備禦世職天聰四年從大兵征明爲前哨同土魯什等擊敗明哨卒獲馬十七匹生擒二人明年三月

太宗文皇帝復命率兵百名往明景州一帶捉生六月還獲蒙古五人漢人三十名牲畜三十二頭即以所獲之物賞之八年二月復

命率擺牙喇兵八十名廝卒四十名往錦州捉生殺三人擒一哨長又獲五人以歸九年復

命同蘇達喇等率兵七十名捉生錦州崇德元年又同勞薩等率甲士一百十八人往明邊躡敵人踪跡明年八月生擒十二人斬九人携一人還七

年任噶布什賢章京從噶喇昂邦努山率兵九十名入明界探我大兵出邊消息并令捉生斬守備一員及兵三百餘人生擒千總一員把總三員獲人馬甚衆論功加授二等甲喇章京世職順治元年從睿王多爾袞入山海關破流賊

又從固山額真葉臣平定山西太原等處復有功。加世職至一等甲喇章京。三年以從豫親王多鐸追騰吉思功。又加半個前程。七年九年三遇。

恩詔。加至一等阿思哈尼哈番。累官至梅勒章京。十年以年老致仕。康熙三年卒。

宜拜。滿洲正藍旗人。姓何舍里氏。世居葉赫地方。自幼從征。以功授半個前程。世職崇德六年。隨大兵圍錦州。擊敗松山杏山馬步軍。論功加

授牛泉章京。世職順治元年四月。隨睿王多爾袞入山海關。擊流寇。破之。五月。同固山額真葉臣巴哈納等招撫山西一帶地方。共下十一府三十二州一百七十一縣。二年十一月。隨定國大將軍豫親王多鐸南征。三年正月。追流寇至潼關。連敗其第一第二兩營步卒。又破賊於延安府。凱旋。加世職至三等甲喇章京。七年九年三遇。

恩詔。加至三等阿思哈尼哈番。仕至固山額真。兼議政。

大臣十五年卒於任

特贈太子太保謚勤直立碑墓道以旌其功馬長子圖爾錫初任豫親王多鐸二等護衛從征山東歿於陣第四子穆實任貝勒府長史順治十八年從貝勒察尼征福建與海賊力戰陣亡卹贈拖沙喇哈番

圖爾特宜拜第二子也順治二年以國史院編修隨征南大將軍貝勒博洛征浙江福建同固山額真韓岱宜爾德追破偽國公方國安偽大

學士馬士英等四年同韓岱進攻福建平定泉州府五年隨英親王阿濟格平定靜海土寇六年正月隨敬謹親王尼堪平定臨縣土寇八月隨英親王阿濟格征大同叛鎮姜瓖並在事有功八年正月授內翰林弘文院侍讀後遇

恩詔以圖爾特効力戎行屢著勞績授拜他喇布勒哈

番十年四月陞侍讀學士十三年八月轉都察院啟心郎十八年二月陞副都御史康熙二年陞兵部右侍郎六年革職尋起工部右侍郎病

卒

庫爾闡宜拜弟也天聰九年

太宗文皇帝命霸奇蘭薩木什哈等出征黑龍江時庫爾闡以三十六章京從征有功授半個前程世職崇德六年隨大兵征明圍錦州連敗松山杏山馬步兵斬四十一人獲雲梯鎗礮等物以功加授牛象章京世職順治元年四月隨睿王多爾袞入山海關擊流寇追敗之於慶都又加半個前程十一月隨豫親王多鐸南征二年正月至潼關敗流賊第一第二兩營步卒論功加授三等甲喇章京世職明年擢都察院叅政考績加世職為二等甲喇章京後又加至一等六年同固山額真譚泰往征江西叛鎮金聲桓以病卒於軍

世祖章皇帝憫其歿於王事

賜祭葬如典禮賞銀七百兩初庫爾闡以屢立戰功在

太宗時魯賜蒙古男婦十口

世祖時又賜蒙古男婦三十口并衣帽貂裘銀帛器皿

等物甚衆。蓋始終恩禮不替云。從孫善都。康熙十四年。從信郡王鄂札征察哈爾布爾尼有功。授拖沙喇哈番。

蘇魯邁。巴圖魯。滿洲正藍旗人。姓宋嘉氏。世居董鄂地方。初隨

太祖高皇帝征符氏。以雲梯攻城。北之莫克託他色城。

蘇魯邁。身衣青甲。首登雲梯。

太祖見而竒之。因於甲班之野。分授俘獲。手指云。此人善戰。先登取城。賞人十口。及取瀋陽。遼陽時。俱

奮勇先進。擢牛象章京。賞馬一匹。青布百疋。天聰元年。從征朝鮮。仍首先登城。賞人口馬牛等物。三年。隨大兵征明。復有功。授備禦。世職。四年。圍永平。同固山額真阿山等。冒火登城。被槍刺眉間。不却。

太宗文皇帝遣固山額真譚泰診視。加授世職。爲三等叅將。

賜巴圖魯號。并馬牛緞布等物。尋擢梅勒章京。兼兵部叅政。先後從大兵攻明旅順口。及寧遠等處。中

箭傷十一處得賞銀二次又同固山額真阿山等取雕窩城被礮傷口不退卒破之因卧輿至家。

太宗遣侍衛診視三次蘇魯邁竟以殘廢辭職家居數載遇順治七年

恩詔

世祖章皇帝念其身受重傷以致殘廢又素日曾効力行間超加世職爲一等阿達哈哈番九年二次恩詔加至三等阿思哈尼哈番康熙元年卒

賜祭葬如典禮謚勤勇長子蘇爾濟初任噶布什賢侍

衛順治元年隨睿王多爾袞入山海關擊流寇同噶喇昂邦席特庫敗偽總兵唐通又同鄂莫克圖巴圖魯屢敗賊兵三年從征福建敗偽姜總兵生擒一人得船一百五十隻授世職拖沙喇哈番遇七年

恩詔加授爲拜他喇布勒哈番病卒第四子鄂羅舜初任二等護衛康熙十四年從定西大將軍貝勒董額征逆藩吳三桂由陝西進兵同建威將軍

佛尼勒等擊敗偽總兵高定

聖祖深嘉之授護軍叅領二十九年隨裕親王福全征厄魯特噶爾丹有功陞前鋒叅領三十年陞江寧副都統三十四年陞江寧將軍四十一年

聖祖南巡

賜御書匾額二

御製詩一首并貂裘弓矢等物四十四年卒於任第五

子翁俄洛初襲兄蘇爾濟拜他喇布勒哈番康熙十九年以夸蘭大從征南大將軍賴塔塔征逆

孽吳世璠至廣西二十年正月敗賊將何繼祖等於石門坎三月又敗賊將張光先王有功等於黃草壩七月隨都統希佛等敗賊帥馬寶巴養元等於烏木山論功加授三等阿達哈哈番

蘇法者蘇魯邁第三弟也初任牛彖章京崇德

三年從奉命大將軍睿王多爾袞征明攻克山東泗水縣授牛彖章京世職順治元年十一月隨定國大將軍豫親王多鐸南征二年正月追流寇至潼關連敗賊兵三次五月至江寧隨固

山額真馬喇希攻克宜興崑山二城。論功加一拖沙喇哈番。遇七年。

恩詔加授爲三等阿達哈哈番。又圖沙者。蘇魯邁第六弟也。初任壯尼大。順治元年十一月。從定國大將軍豫親王多鐸南征。二年正月。追流寇至潼關。同熹章京阿爾津。連敗流賊第一營第二營。步卒賊遁。又隨阿爾津。敦拜往尋賊踪。遇餘寇三百餘人。盡殲之。三年。從貝勒博洛至浙江。大敗湖州府賊兵。獲船十隻。復攻克湖州府城。叙

功。授拖沙喇哈番。旋卒。以其第五兄圖法承襲。遇順治七年。

恩詔加授拜他喇布勒哈番。明年。從征山東。攻曹縣中礮。歿於陣。又加一拖沙喇哈番。以其子胡什布襲。累官至右衛協領。康熙三十五年。從撫遠大將軍伯費揚古。從西路進。勦厄魯特。噶爾丹。敗賊有功。加授爲三等阿達哈哈番。

鄂莫克圖。巴圖魯。滿洲正藍旗人。初以壯尼大。從阿山等征朝鮮。攻克義州城。天聰三年。從貝

勒岳託征明圍保安州以第一人登城破之
賜巴圖魯號授遊擊世職又同葉克舒等征薩哈連烏
喇獲壯丁十二人九年奉

命同納海等齎書往喜峰口等處諭明國大臣事畢還
國擊敗明沿邊哨卒斬百餘人生擒一人獲馬
三匹崇德六年從大兵圍錦州率噶布什賢兵
敗松山馬步軍及明經畧洪承疇兵斬四百餘
人獲馬匹旗纛等物又追擊杏山塔山兵斬三
百餘級明年隨武英郡王阿濟格圍杏山旋往

寧遠等處捉生遇明總兵吳三桂等率兵尾我
兵後鄂莫克圖等誘而敗之獲甲十九副馬六
十匹加世職爲二等甲喇章京順治元年四月
從睿王多爾袞入山海關擊流寇有功加世職
一等五月從固山額真葉臣等往平山西一帶
地方攻下太原府至陝西破延安府二年隨英
親王阿濟格追流賊至湖廣破承天府等處獲
船三十隻三年隨肅親王豪格征四州敗賊賀
珍於漢中府又同燾章京德爾得赫等屢敗賊

兵論功加一拖沙喇哈番。七年九年三遇

恩詔加世職至一等阿思哈尼哈番。仕至梅勒章京。尋卒。

賜祭葬如典禮。謚襄壯子。超思奇襲職。次子春兌。康熙

十八年。以佐領從征雲南。至廣西。逆賊吳世琮以精兵六千列陣於新邨西山拒敵。隨鎮南將軍莽依圖進擊敗之。十九年。偽將軍馬承蔭等以兵二萬列陣於陶屯拒敵。隨都統希佛等擊敗其衆。進攻曲靖府。又敗偽將軍王有功。張光

先等於黃草壩。以功授拖沙喇哈番。又有折爾特者。鄂莫克圖巴圖魯之同祖兄也。崇德元年。從大兵征朝鮮。手中烏鎗傷得賞馬一匹。尋委署甲喇章京。順治二年。隨英親王阿濟格追流寇至延安府。兩敗賊兵。賊將劉瞎子敗遁。折爾特往追。中槍傷而歿。

雅秦。滿洲正藍旗人。父大海。巴克什。見儒林傳。

雅秦。其長子也。天聰八年。襲父牛象章京世職。

隨肅親王豪格。征明有功。崇德六年。隨大兵圍

錦州。率本固山兵擊敗松山馬軍。錦州城中有馬步兵出犯我鑲白旗汛地。復同薩爾糾助戰。敗之。師旋。任吏部理事官。八年考績。加半個前程。順治元年。隨睿王多爾袞入山海關。破流寇有功。加授三等甲喇章京。世職。尋擢本部侍郎。遇七年。

恩詔。加世職。爲二等阿達哈哈番。八年。陞內國史院大學士。九年。兩遇。

恩詔。加世職。至一等阿達哈哈番。又一拖沙喇哈番。尋

病卒。康熙二十一年。

聖祖追念前勲。遣官祭墓。弟喇門。康熙十三年。以前鋒叅領。從征逆藩吳三桂。與賊戰於衡州。陣亡。卹贈拖沙喇哈番。又丹布者。雅秦之伯父也。初管理武備院事。天聰五年。從征明圍大凌河。戰歿。丹布孫塞勒。初任端重親王三等護衛。從征福建。與海賊郭新戰於廈門。陣亡。卹贈拖沙喇哈番。以其子虎司承襲。



七年六月初一日封訖係照此本
會

